



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 100. stav (3) i (4), člana 69. stav (2) i člana 70. stav (1) i (4) Zakona o javnim nabavkama („Službeni glasnik BiH“ br. 39/14 i 59/22), člana 37. i 38. Statuta Javnog preduzeća „Grijanje“ d.o.o. Zenica (u daljem tekstu: ugovorni organ), razmatrajući žalbe ponuđača „INTER-COM“ d.o.o. Zenica od 02.07.2024. godine, „RM COMPANY“ d.o.o. Zenica od 02.07.2024. godine i „INKOS“ EXPORT-IMPORT d.o.o. Kakanj od 02.07.2024. godine, izjavljenih na Odluku o izboru najpovoljnijeg ponuđača broj 6504/24 od 25.06.2024. godine, u postupku javne nabavke robe – „Zaštitna oprema (odjeća, obuća i dr.), putem konkurentskog zahtjeva za dostavu ponuda, obavještenje o nabavci broj 1091-7-1-179-3-15/24 od 17.05.2024. godine, Uprava Javnog preduzeća „Grijanje“ d.o.o. Zenica, donosi

ODLUKU

o poništenju postupka javne nabavke

I

Žalbe ponuđača „INTER-COM“ d.o.o. Zenica od 02.07.2024. godine, „RM COMPANY“ d.o.o. Zenica od 02.07.2024. godine i „INKOS“ EXPORT-IMPORT d.o.o. Kakanj od 02.07.2024. godine izjavljene na Odluku o izboru najpovoljnijeg ponuđača broj 6504/24 od 25.06.2024. godine, USVAJAJU SE U CJELOSTI.

II

Poništava se postupak javne nabavke roba – Zaštitna oprema (odjeća, obuća i dr.) putem konkurentskog zahtjeva za dostavu ponuda, obavještenje o nabavci broj: 1091-7-1-179-3-15/24 od 17.05.2024. godine.

III

Odluka o izboru najpovoljnijeg ponuđača broj 6504/24 od 25.06.2024. godine STAVLJA SE VAN SNAGE.

IV

Ova odluka objavit će se na web stranici Javnog preduzeća "Grijanje" d.o.o. Zenica. O ovoj Odluci se obavještavaju i svi učesnici u postupku javne nabavke u skladu sa članom 70. tačka (6) Zakona o javnoj nabavci.

Obrazloženje

Dana 02.07.2024. godine, ponuđači „INTER-COM“ d.o.o. Zenica, „RM COMPANY“ d.o.o. Zenica i „INKOS“ EXPORT-IMPORT d.o.o. Kakanj izjavili su žalbe na Odluku o izboru najpovoljnijeg ponuđača broj 6504/24 od 25.06.2024. godine.

Ugovorni organ je utvrdio da su žalbe blagovremene, dopuštene i izjavljene od ovlaštenih lica.

Ponuđač „INTER-COM“ d.o.o. Zenica u svojoj žalbi navodi da je u predmetnom postupku

izvršio uvid u ponude, te da je analizom priloženih dokumenata ponuđača „INKOS“ EXPORT-IMPORT d.o.o. Kakanj utvrdio da ponuda navedenog ponuđača nije u skladu sa zahtjevima iz tenderske dokumentacije i samim tim nije prihvatljiva iz sljedećih razloga:

1. Za stavke pod rednim brojevima 21. Respirator FFP 3 sa ventilom, 22. Naočale zaštitne kombinovane za rezače i zavarivače, 23. Naočale zaštitne providne standardne, 26. Kapa za zaštitu od hladnoće, 27. Kačket, 28. Zaštitni antifon, 29. Čepići zaštitni za zaštitu sluha, 30. Zavarivačka zaštita za ruke i 31. Svjetiljka nadglavna, nije dostavio Listove sa tehničkim podacima izdate od strane proizvođača, već je prepisao opis stavke iz Obrasca za cijenu ponude i dodao fotografiju artikla iz čega se ne može zaključiti o kojem proizvođaču je riječ, te da dokument koji je dostavio ponuđač nije u skladu sa zahtjevima iz tačke 5.3.TD i isti ne dokazuje da ponuđena roba odgovara traženim tehničkim karakteristikama.
2. Za stavku pod rednim brojem 15. Cipela duboka sa zaštitnom kopicom ponudio je cipelu model LX9519 RITMO koja ne ispunjava tražene tehničke karakteristike, odnosno ne ispunjava standard EN ISO 13287 (dokaz Deklaracija o usaglašenosti iz koje je vidljivo da ispunjava samo EN ISO 20345), te da u tehničkoj dokumentaciji nije navedeno da ponuđena cipela ima Kevlar podplat, niti je đon otporan na ulja, naftu i kiseline (navedeno je samo da je otporan na habanje).
3. Za stavku pod rednim brojem 20. Kabanica gumirana, zaštitni mantil od kiše ponudio je Kabanicu Rainy proizvođača Lacuna koja je izrađena na način da su šavovi šivani i ljepljeni, a ne zavareni kako je traženo. Kapuljača je elastično pričvršćena, nije fiksna. Ponuđeni proizvod ne ispunjava tražene tehničke karakteristike.
4. Za stavku pod rednim brojem 17. Visoke varilačke cipele ponudio je model Welder S3 proizvođača Lacuna koji se zakopčava preklopom na čičak, a ne čeličnom kopčom koja se brzo otkopčava kako je traženo u opisu. Ponuđeni proizvod ne ispunjava tražene tehničke karakteristike.
5. Za stavku pod rednim brojem 25. Šljem zaštitni i vezica za šljem ponudio je šljem dimenzija 53-64 cm, težine 350 gr. Ponuđeni proizvod ne ispunjava tražene tehničke karakteristike.

Podnosilac žalbe u konačnici predlaže da Ugovorni organ usvoji ovu žalbu. Ukoliko je ne usvoji, predlaže da istu, u skladu sa čl.100. stav 5. Zakona o javnim nabavkama dostavi Uredu za razmatranje žalbi, te da Ured za razmatranje žalbi donese Rješenje kojim se usvaja Žalba, poništava provedeni postupak e-aukcije, te naloži Ugovornom organu da izvrši ponovnu evaluaciju ponuda, zakaže ponovljeni postupak e-aukcije sa prihvatljivim ponuđačima, te žalocu naknadi troškove žalbenog postupka, sve u skladu sa čl. 108. stav 6) i 7) Zakona o javnim nabavkama BiH.

Ponovnom provjerom ispravnosti ponude ponuđača „INKOS“ EXPOR-IMPORT d.o.o. Kakanj utvrđeno je sljedeće:

Ponuda ponuđača „INKOS“ EXPORT-IMPORT d.o.o. Kakanj je **nepravilna**, a žalba žalitelja je **osnovana** za sve stavke navedene u žalbi.

U tački 5.3.1. Tenderske dokumentacije je navedeno : „U svrhu ispunjavanja USLOVA tehničke i profesionalne sposobnosti iz članova 48. i 49. Zakona o javnim nabavkama, ponuđači su dužni dokazati da ponuđene robe odgovaraju traženim tehničkim karakteristikama roba koje su predmet nabavke.“

U tački 5.3.2. Tenderske dokumentacije je navedeno: „Kao DOKAZ kojim se potvrđuje ispunjavanje uslova iz tačke 5.3.1. ponuđači su uz ponudu dužni dostaviti:

1. List sa tehničkim podacima za ponuđenu ličnu zaštitnu opremu za sve stavke iz Obrazca za cijenu ponude, izdat od strane proizvođača, koji dokazuje da ponuđena oprema zadovoljava tražene karakteristike opreme iz navedenog obrasca;“.
2. Izjavu o usaglašenosti proizvoda sa traženim standardom izdatu od strane proizvođača, za stavke pod rednim brojevima iz Obrazca za cijenu ponude kako slijedi:
 - „1. Standardno dvodijelno ljetno radno odijelo koje se sastoji od radne bluze i hlača.“
 - „2. Standardno dvodijelno zimsko radno odijelo koje se sastoji od radne bluze i hlača. „
 - „3. Zavarivačko ljetno dvodijelno radno odijelo minimalno Klase 1, koje se sastoji od radne bluze i hlača. „
 - „4. Zavarivačko zimsko dvodijelno radno odijelo minimalno Klase 1, koje se sastoji od radne bluze i hlača. „
 - „12. Rukavice zaštitne električarske,“
 - „15. Cipele duboke sa zaštitnom kapičom gumenim rebrastim đonom S3 kao model „Black Swan“ ili ekvivalent
 - „17. Visoke zavarivačke cipele,“
 - „19. Čizme gumene elektroizolacijske.“

Ponuđač „INKOS“ EXPORT-IMPORT d.o.o. Kakanj za stavke pod rednim brojevima 21. Respirator FFP 3 sa ventilom, 22. Naočale zaštitne kombinovane za rezače i zavarivače, 23. Naočale zaštitne providne standardne, 26. Kapa za zaštitu od hladnoće, 27. Kačket, 28. Zaštitni antifon, 29. Čepići zaštitni za zaštitu sluha, 30. Zavarivačka zaštita za ruke i 31. Svjetiljka nadglavna, je dostavio Listove sa tehničkim podacima, ali dostavljeni Listovi sa tehničkim podacima nisu **izdati od strane proizvođača**, što nije u skladu sa tačkom 5.3.2. Tenderske dokumentacije.

U Obrascu za cijenu ponude pod stavkom 15. je traženo sljedeće:

„Cipele duboke sa zaštitnom kapičom gumenim rebrastim đonom S3 kao model „Black Swan“ ili ekvivalent

Visoke cipele od pigmentirane goveđe kože sa sigurnosnom zaštitnom kapičom

Karakteristike:

- Vanjski dio obuće: goveđa koža
- Unutrašnji dio obuće: prozirna tkanina
- PU-PU dvostruko brizgani đon
- Kompozitna zaštitna kapiča
- Kelvar potplat, produženi dio đona, tzv. žaba jezik za zaštitu od ulaska prašine i vode, te sa ugrađenim jastučićima radi udobnosti,
- Antibakterijski uložak
- Reflektirajući umetci
- Vodoodbojno gornjište
- Đon duplo brizgani protuklizni, antistatičan i otporan na ulja, naftu i kiseline
- Apsorber energije u području pete

Standard: EN ISO 20345:2011,
EN ISO 13287“.

Uvidom u dostavljenu dokumentaciju utvrđeno je da je ponuđač „INKOS“ EXPORT-IMPORT d.o.o. Kakanj za navedenu cipelu dostavio Deklaraciju o usaglašenosti proizvoda sa EU Regulativom 2016/425 Parlamenta i saveta koja potvrđuje da je zadovoljen standard EN ISO 20345:2011 S3 SRC, ali nije navedeno da je zadovoljen standard EN ISO 13287, niti je nevedeno da cipela ima Kelvar podplat i da je đon otporan na ulja, naftu i kiseline, što nije u skladu sa tenderskom dokumentacijom i Obrascem za cijenu ponude.

U obrascu za cijenu ponude pod stavkom 20. je traženo sljedeće:

„Kabanica-gumirana, zaštitni mantil od kiše

Kišna kabanica od poliestera s dvostrukim pvc premazom sljedećih karakteristika:

- Zavareni šavovi.
- Fiksna kapuljača.
- Prednje zatvaranje pritisnim kopčama s dodatnim preklopom.
- Rukavi raglan.
- Elastična traka oko zglobova s unutarnje strane.
- 2 džepa.“

Uvidom u dostavljenu dokumentaciju utvrđeno je da je ponuđač „INKOS“ EXPORT-IMPORT d.o.o. Kakanj dostavio tehnički list u kojem je navedeno: vanjski materijal- dvostruki sloj PVC-a vodonepropusan- **šavovi: šivani i ljepljeni (traženo: zavareni šavovi)**, što nije u skladu sa tenderskom dokumentacijom i Obrascem za cijenu ponude.

U Obrascu za cijenu ponude pod stavkom 17. je traženo sljedeće:

“Visoke zavarivačke cipele

Namijenjene zavarivačima pri radu na otvorenom i zatvorenom prostoru kada je neophodna zaštita od toplote, hemikalija i vlage.
Gornji dio cipele, jezika i zaštitnog poklopca je izrađen od potpuno vodoodbojne kože.
Unutrašnjost je obložena prozračnom Artico tkaninom.
Dodatna zaštita zgloba od pjene debljine 10 mm.
Zakopčavanje čeličnom kopčom koja se brzo otkopčava.
Ultra lagana extra široka kompozitna LIGHT SYSTEM kapica 200J. Antimagnetna, termoizolirajuća, kompozitna tabanica FLEX SYSTEM.
Anatomski i antibakterijski uložak izrađen od pjenastog PU.
Dvostruki đon PU/NITRIL 300°C antistatičan i otporan na ugljikohidrate, ulja i kiseline (FO). Đon je protuklizni (SRC) i izloator od toplote (HI) i hladnoće (CI).
Duboki profil đona doprinosi stabilnosti.
Šavovi ojačani zakovicama.
Apsorber energije u području pete.
Standard: EN ISO 20345:2011 S3 SRC.“

Uvidom u tehničku dokumentaciju utvrđeno je da je ponuđač „INKOS“ EXPORT-IMPORT d.o.o. Kakanj dostavio tehničku dokumentaciju u kojoj nije navedeno da se radi o cipeli kod koje je zakopčavanje čeličnom kopčom, već se iz fotografije vidi da je ponuđena cipela koja se zakopčava kožnim preklopom na čičak, što nije u skladu sa tenderskom dokumentacijom i Obrascem za cijenu ponude.

U Obrascu za cijenu ponude pod stavkom 25. je traženo sljedeće:

„Šljem zaštitini i vezica za šljem

Materijal: termoplastika,

Boja: crvena,

Veličina: mora imati podesivu kotvu za prilagođavanje svakoj veličini glave (52-62 cm), tj. lako podešavanje obima pomoću točkića.

Težina: max. 400 g.

Šljem mora biti otporan prema udaru i na niskim temperaturama do (-30) °C, nezapaljiv (temperatura topljenja

150 °C), otporan prema dejstvu kiselina, otopina od metala i ne smije provoditi struju napona do 440 V. Mora potpuno pokrivati gornji i zadnji dio glave i mora imati obod za zaštitu čela i vrata i uložak za upijanje znoja, ventilirajući. Mora imati s obje strane trake za vezanje ispod brade koje omogućavaju čvrsto ležanje šljema na glavi“

*Uvidom u dostavljenu dokumentaciju utvrđeno je da je ponuđač „INKOS“ EXPORT-IMPORT d.o.o. Kakanj dostavio tehnički list u kojem je navedena dimenzija **53-64 cm** (traženo 52-62 cm) i u kojem nije navedena težina šljema, što nije u skladu sa tenderskom dokumentacijom i Obrascem za cijenu ponude.*

Žalba ponuđača „INTER-COM“ d.o.o. Zenica je u cjelosti osnovana.

Ponuđač „RM COMPANY“ d.o.o. Zenica u svojoj žalbi navodi da je , nakon izvršenog uvida u ponude, utvrdio da ponuda ponuđača „Inkos Export Import d.o.o. ne zadovoljava tehničke i profesionalne sposobnosti jer ista nije sadržavala sve tehničke listove u skladu sa traženim uslovom iz tenderske dokumentacije, odnosno ponuda navedenog ponuđača nije sadržavala tehnički list izdat od strane proizvođača kojim dokazuje da ponuđena oprema zadovoljava tražene karakteristike opreme iz navedenog obrasca, nego je za nekoliko artikala, tačnije za Naglavnu svjetiljku, Varilačke narukave, Naočale providne zaštitne, Naočale kombinovane za rezače i zavarivače i Respirator FFP3 sadržavala običan word dokument, koji je napravio sam ponuđač, sa umetnutom slikom i nakucanim tekstom o karakteristikama i koji nije izdat od strane proizvođača kako je traženo, a na istom se čak i ne navodi da se radi o tehničkom listu, niti naziv proizvođača, zbog čega smatra da je ponudu trebalo odbaciti kao neprihvatljivu i vratiti kompletan postupak u fazu ponovne e aukcije sa prihvatljivim ponuđačima. Podnosilac žalbe u konačnici predlaže, da ukoliko Ugovorni organ ne usvoji predmetnu žalbu, da se ista uputi Uredu za razmatranje žalbi na odlučivanje.

Ponovnom provjerom ponude ponuđača „INKOS“ EXPOR-IMPORT d.o.o. Kakanj utvrđeno je sljedeće:

*Ponuda ponuđača „INKOS“ EXPORT-IMPORT d.o.o. Kakanj je **nepravilna**, a žalba žalitelja je **osnovana** za sve stavke navedene u žalbi.*

U tački 5.3.1. Tenderske dokumentacije je navedeno : „U svrhu ispunjavanja USLOVA tehničke i profesionalne sposobnosti iz članova 48. i 49. Zakona o javnim nabavkama, ponuđači su dužni dokazati da ponuđene robe odgovaraju traženim tehničkim karakteristikama roba koje su predmet nabavke.“

U tački 5.3.2. Tenderske dokumentacije je navedeno: „Kao DOKAZ kojim se potvrđuje ispunjavanje uslova iz tačke 5.3.1. ponuđači su uz ponudu dužni dostaviti:

3. List sa tehničkim podacima za ponuđenu ličnu zaštitnu opremu za sve stavke iz Obrazca za cijenu ponude, izdat od strane proizvođača, koji dokazuje da ponuđena oprema zadovoljava tražene karakteristike opreme iz navedenog obrasca;“
4. Izjavu o usaglašenosti proizvoda sa traženim standardom izdatu od strane proizvođača, za stavke pod rednim brojevima iz Obrazca za cijenu ponude kako slijedi:
 - „1. Standardno dvodijelno ljetno radno odijelo koje se sastoji od radne bluze i hlača.“
 - „2. Standardno dvodijelno zimsko radno odijelo koje se sastoji od radne bluze i hlača. „
 - „3. Zavarivačko ljetno dvodijelno radno odijelo minimalno Klase 1, koje se sastoji od radne bluze i hlača. „
 - „4. Zavarivačko zimsko dvodijelno radno odijelo minimalno Klase 1, koje se sastoji od radne bluze i hlača. „
 - „12. Rukavice zaštitne električarske,“
 - „15. Cipele duboke sa zaštitnom kapicom gumenim rebrastim đonom S3 kao model „Black Swan“ ili ekvivalent
 - „17. Visoke zavarivačke cipele,“
 - „19. Čizme gumene elektroizolacijske.“

Ponuđač „INKOS“ EXPORT-IMPORT d.o.o. Kakanj za stavke Naglavna svjetiljka, Varilačke narukave, Naočale providne zaštitne, Naočale kombinovane za rezače i zavarivače i Respirator FFP3, nije dostavio Listove sa tehničkim podacima **izdate od strane proizvođača**, što nije u skladu sa tačkom 5.3.2. Tenderske dokumentacije.

Žalba ponuđača „RM COMPANY“ d.o.o. Zenica je u cjelosti osnovana.

Ponuđač „INKOS“ EXPORT-IMPORT d.o.o. Kakanj u svojoj žalbi navodi da je, nakon izvršenog uvida u ponude, utvrdio da je ponuđač „INTER-COM“ d.o.o. Zenica za stavku pod rednim brojem 15. Cipele duboke sa zaštitnom kapicom na stranici 84-85 dostavio tehnički list cipele S3 Black Swan bez dostavljene Izjave o usaglašenosti proizvoda sa traženim standardom kako je traženo tačkom 5.3.2. pod 2.), kao i da je na stranici 94. Ponude dostavio tehnički list za stavku 18. Rudarske čizme u kome jasno i nedvosmisleno stoji da je čizma u opisu od PVC materijala, odnosno PVC čizma do koljena, a da je tenderskom dokumentacijom tražena čizma od čiste gume, odnosno da je izabrani ponuđač po svom tehničkom listu ponudio polyester ili sintetički PVC material koji je u potpunosti po kvalitetu, cijeni i namjeni suprotnog karaktera.. Podnosilac žalbe u konačnici predlaže da komisija ponudu izabranog ponuđača odbaci kao neprihvatljivu, poništi Odluku o izboru najpovoljnijeg ponuđača broj 6504/24 i pristupi novoj ocjeni ponuda i kvalifikuje kao jedinu ispravnu ponudu „INKOS“ EXPORT-IMPORT d.o.o. Kakanj i ponudu „RM COMPANY“ d.o.o. Kakanj, a ukoliko Ugovorni organ ne prihvati žalbu, da ista bude prosljeđena Uredu za razmatranje žalbi.

Ponuda ponuđača „INTER-COM“ d.o.o. Zenica **je nepravilna**, a žalba žalitelja **je osnovana** za sve stavke navedene u žalbi.

Ponovnom provjerom ponude ponuđača „INTER-COM“ d.o.o. Zenica utvrđeno je sljedeće:

Ponuđač „INTER-COM“ d.o.o. Zenica je za stavku pod rednim brojem 15. Cipele duboke

sa zaštitnom kapicom dostavio tehnički list izdat od strane „RM COMPANY“ d.o.o. Zenica što potvrđuje i sam žalitelj u svojoj žalbi.

U Obrascu za cijenu ponude pod stavkom 15. je traženo sljedeće:

„Cipele duboke sa zaštitnom kapicom gumenim rebrastim đonom S3 kao model „Black Swan“ ili ekvivalent

Visoke cipele od pigmentirane goveđe kože sa sigurnosnom zaštitnom kapicom

Karakteristike:

- Vanjski dio obuće: goveđa koža
- Unutrašnji dio obuće: prozirna tkanina
- PU-PU dvostruko brizgani đon
- Kompozitna zaštitna kapica
- Kelvar potplat, produženi dio đona, tzv. žaba jezik za zaštitu od ulaska prašine i vode, te sa ugrađenim jastučićima radi udobnosti,
- Antibakterijski uložak
- Reflektirajući umetci
- Vodoodbojno gornjište
- Đon duplo brizgani protuklizni, antistatičan i otporan na ulja, naftu i kiseline
- Apsorber energije u području pete

Standard: EN ISO 20345:2011,
EN ISO 13287“.

Uvidom u dostavljenu dokumentaciju utvrđeno je da je ponuđač „INTER-COM“ d.o.o. Zenica na stranici broj 126. za navedenu cipelu, ipak, dostavio Izjavu o usaglašenosti proizvoda sa EU Regulativom 2016/425 u kojoj nije navedeno da je zadovoljen standard EN ISO 13287, što nije u skladu sa tenderskom dokumentacijom i Obrascem za cijenu ponude.

U Obrascu za cijenu ponude pod stavkom 18. je traženo sljedeće:

„Čizme rudarske:

Materijal: Čvrsta guma sa prešanim đonom

Namjena: mokri, vlažni uvjeti u građevinarstvu, poljodjelstvu, industriji i sl.“

Uvidom u dostavljenu dokumentaciju utvrđeno je da je ponuđač „INTER-COM“ d.o.o. Zenica za navedenu stavku dostavio tehnički list u kojem je u nazivu i opisu navedeno: „PVC čizma do koljena. PVC čizma za profesionalnu upotrebu“ što nije u skladu sa tenderskom dokumentacijom i Obrascem za cijenu ponude.

Žalba ponuđača „INKOS“ EXPORT-IMPORT d.o.o. Kakanj je u cjelosti osnovana.

Dodatnom provjerom formalnopravne i suštinske ispravnosti svih ponuda utvrđeno je da je ponuda ponuđača „INTER-COM“ d.o.o. Zenica **nepravilna** i iz sljedećih razloga:

U Obrascu za cijenu ponude pod stavkom 31. je traženo sljedeće:

„Svjetiljka naglavna

Naglavna LED lampa za glavu na baterijski pogon sa pojasom oko i preko glave, min 160 lm.

Otporna na kapljice vode i sa podesivim nagibom.“

Uvidom u dostavljenu dokumentaciju utvrđeno je da je ponuđač „INTER-COM“ d.o.o. Zenica za navedenu stavku dostavio tehnički list u kojem je nije navedeno da se radi o **LED** lampi, što nije u skladu sa tenderskom dokumentacijom i Obrascem za cijenu ponude.

U obrascu za cijenu ponude pod stavkom 20. je traženo sljedeće:

„Kabanica-gumirana, zaštitni mantil od kiše

Kišna kabanica od poliestera s dvostrukim pvc premazom sljedećih karakteristika:

- Zavareni šavovi.
- Fiksna kapuljača.
- Prednje zatvaranje pritisnim kopčama s dodatnim preklopom.
- Rukavi raglan.
- Elastična traka oko zglobova s unutarnje strane.
- 2 džepa.“

Uvidom u dostavljenu dokumentaciju utvrđeno je da je ponuđač „INTER-COM“ d.o.o. Zenica dostavio tehnički list u kojem je navedeno: vanjski materijal-100 % Poliester, PVC premaz, šavovi: nepropusni (**traženo: zavareni šavovi**), zatvaranje na patent zatvarač i preklop (**traženo: pritisnim kopčama sa preklopom**), što nije u skladu sa tenderskom dokumentacijom i Obrascem za cijenu ponude.

Dodatnom provjerom formalnopravne i suštinske ispravnosti svih ponuda utvrđeno je da je ponuda ponuđača „**RM COMPANY**“ d.o.o. Zenica, također, **nepravilna** iz sljedećih razloga:

U Obrascu za cijenu ponude pod stavkom 26. je traženo sljedeće:

„Kapa za zaštitu od hladnoće

Pletena zimska kapa od 100% akrila, u teget plavoj boji (66 g ili 74 g), univerzalne veličine.“

Uvidom u dostavljenu dokumentaciju utvrđeno je ponuđač „**RM COMPANY**“ d.o.o. Zenica za navedenu stavku dostavio tehnički list izdat od strane proizvođača u kojem **nije navedena gramaža kape niti boja kape**, što nije u skladu sa tenderskom dokumentacijom i Obrascem za cijenu ponude.

U Obrascu za cijenu ponude pod stavkom 27. je traženo sljedeće:

„Kačket

Šestopanelni kačket od 100% brušenog pamuka sa duplim sendvič širitom i metalnom kopčom za podešavanje obima, univerzalne veličine, crvene boje. Sa strane po dvije opšivene rupice za ventilaciju.

Štampa, prema uzorku, na prednjoj strani kačketa (mali logo preduzeća).
Boja odštampanog natpisa: Bijela“.

Uvidom u dostavljenu dokumentaciju utvrđeno je ponuđač „RM COMPANY“ d.o.o. Zenica za navedenu stavku dostavio tehnički list izdat od strane proizvođača u kojem **nije navedeno da ponuđeni kačket ima sa strane po dvije opšivene rupice za ventilaciju**, što nije u skladu sa tenderskom dokumentacijom i Obrascem za cijenu ponude.

U Obrascu za cijenu ponude pod stavkom 15. je traženo sljedeće:

„Cipele duboke sa zaštitnom kapicom gumenim rebrastim donom S3 kao model „Black Swan“ ili ekvivalent

Visoke cipele od pigmentirane goveđe kože sa sigurnosnom zaštitnom kapicom

Karakteristike:

- Vanjski dio obuće: goveđa koža
- Unutrašnji dio obuće: prozirna tkanina
- PU-PU dvostruko brizgani don
- Kompozitna zaštitna kapica
- Kelvar potplat, produženi dio dona, tzv. žaba jezik za zaštitu od ulaska prašine i vode, te sa ugrađenim jastučićima radi udobnosti,
- Antibakterijski uložak
- Reflektirajući umetci
- Vodoodbojno gornjište
- Don duplo brizgani protuklizni, antistatičan i otporan na ulja, naftu i kiseline
- Apсорber energije u području pete

Standard: EN ISO 20345:2011,
EN ISO 13287“.

Uvidom u dostavljenu dokumentaciju utvrđeno je da je ponuđač „RM COMPANY“ d.o.o. Zenica za navedenu stavku dostavio Izjavu o usaglašenosti proizvoda sa EU Regulativom 2016/425 u kojoj **nije navedeno da je zadovoljen standard EN ISO 13287**, što nije u skladu sa tenderskom dokumentacijom i Obrascem za cijenu ponude.

U obrascu za cijenu ponude pod stavkom 20. je traženo sljedeće:

„Kabanica-gumirana, zaštitni mantil od kiše

Kišna kabanica od poliestera s dvostrukim pvc premazom slijedećih karakteristika:

- Zavareni šavovi.
- Fiksna kapuljača.
- Prednje zatvaranje pritisnim kopčama s dodatnim preklopom.
- Rukavi raglan.
- Elastična traka oko zglobova s unutarnje strane.
- 2 džepa.“

Uvidom u dostavljenu dokumentaciju utvrđeno je da je ponuđač „RM COMPANY“ d.o.o. Zenica dostavio tehnički list u kojem je navedeno: vanjski materijal-100 % Poliester, PVC premaz, šavovi: zalijepljeni (**traženo: zavareni šavovi**), zatvaranje na patent zatvarač (**traženo: pritisnim kopčama sa preklopom**), što nije u skladu sa tenderskom dokumentacijom i Obrascem za cijenu ponude.

Shodno naprijed navedenom, odlučeno je kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi BiH putem ugovornog organa u roku od **10 (deset) dana** od dana prijema iste.

Broj: 6892 /24

Zenica, 08.07.2024. godine



Direktor



Drino Vahdet

DOSTAVITI :

- 1x Ponuđači - putem mail adrese
- 1x Uprava preduzeća
- 1x Arhiva javnih nabavki (Z.P.)